

# Соньмсдж даслгън

Сарпинск района Сарпинский совхозин эклц партийн организацд партийн сургъулин шин джилин кӧдлмш бӱрдӧмджтӧгъӧр эклв. КПСС-н туудж даслгъна кружок занятӧн октябрин нег шинд эклв.

• Кружокд 20 сонъсачнр бичгдв. Эдн нургълдж коммунистнр, энӱнд партийн биш улс чин ордж сурджацхана. Кружокин кӧдлмшиг, пропагандистд батлгдсн, эклц партийн организацин сеглӧтр ӱр Т. Я. Алучиев гарджана.

Урднӧ болхла, партин туудж даслгънд бӧӧсн нег дуту халхнӧ, тууджит кӱццднӧ дасдж дууслго, джил болгън шинӧс эклӧд, тӱрӱн цӧн, партин Октябрьск революцин урдк цатин ӱӱлдврин туск бӧлгӱд дасчкад, цааранднӧ давдгод ӱзгддг бӧӧсмн. Энӱт тоолад кружковцнр партин Ок-

тябрьск революцин хӧӧт цагин, социалистическ тосхлтин цагин туудж даслгънд дуран тусхацхав. Тегӧд КПСС-н тууджин шин деттриг XIV бӧлгӧснӧ авн эклдж дасх болдж кружковцнр шиндв.

Дасдж йовх бӧлгӧр шидр дигин занятӧ болснд кружковцнр К. Муканов, Н. Абакинов, И. Кужсин болн нань чигн улс арднӧ ордж сурч, гӱн медрл авцхасан ӱзӱлв.

Эклц партийн организацд политшкол бас бӱрдӧгдв. Энӱнд ик зуудан партин зерглӧнд шинӧс орцхасн, политическ медрлнӧ тату улс, партийн биш кӧдлмшчнр, специалистнр орцхав. Политшколин кӧдлмшиг совхозин ах агроном, КПСС-н член, пропагандист ӱр Е. Л. Шевченко гарджана.

**П. СКРИПЧЕНКОВ.**